

REGLUGERÐ

19

1. febr.

um ríkisábyrgð á útflutningsvörum bátaútvegsins o. fl.

1. gr.

Ríkissjóður ábyrgist framleiðendum söluverð það á framleiðslu þeirra í janúar og febrúar 1950, til útflutnings, sem ákveðið er í 2., 4. og 6. gr. reglugerðar þessarar.

2. gr.

- | | |
|--|----------|
| 1. Þorskflök með roði, vafin í pergamentpappír í 3 kg eða 7 enskra punda (lbs.) stykkjum, 8 í ks. á 24 kg eða 56 lbs. nettó, pr. lb. fob. | kr. 1.53 |
| 2. Þorskflök með roði í 1 kg. öskjum án cellophan, 25 öskjur í ks. á 25 kg nettó, pr. lb. fob. | — 1.70 |
| 3. Þorskflök með roði í 2 lbs. öskjum án cellophan, 25 öskjur í ks. á 50 lbs. nettó, pr. lb. fob. | — 1.73 |
| 4. Þorskflök, roðlaus, vafin í pergamentpappír, 3 kg eða 7 lbs., 8 í kassa á 24 kg eða 56 lbs. nettó, pr. lb. fob. | — 1.67 |
| 5. Þorskflök, roðlaus, í 1 kg öskjum á cellophan, 25 öskjur í kassa á 25 kg nettó, pr. lb. fob. | — 1.83 |
| 6. Þorskflök, roðlaus, í 2 lbs. öskjum á cellophan, 25 öskjur í kassa á 50 lbs. nettó, pr. lb. fob. | — 1.86 |
| 7. Þorskflök roðlaus, í 5 lbs. öskjum, cellophanvafið, 10 í kassa 50 lbs. nettó, pr. lb. fob. | — 1.92 |
| 8. Þorskflök, roðlaus, í 1 kg öskjum, cellophanvafið, 25 öskjur í kassa á 25 kg nettó, pr. lb. fob. | — 1.92 |
| 9. Þorskflök, roðlaus, í 2 lbs. öskjum, cellophanvafið, 25 öskjur í kassa á 50 lbs. nettó, pr. lb. fob. | — 1.95 |
| 10. Þorskflök, roðlaus, í 1 lbs. öskjum, cellophanvafið, 50 öskjur í kassa, á 50 lbs. nettó, pr. lb. fob. | — 2.24 |
| 11. Ýsuf্লök vafin í pergamentpappír í 3 kg eða 7 lbs. stykkjum, 8 í ks. á 24 kg eða 56 lbs. nettó, pr. lb. fob. | — 1.60 |
| 12. Flatfiskur (skarkoli, þykkvalúra og lúða) I. 1¼ og þar yfir heilfrystur í 21 lbs. stykkjum (3×7 lbs. í hverju stykki), 3 stk. í ks. 63 lbs. nettó, pr. lb. fob. | — 1.70 |
| 13. Flatfiskur (skarkoli, þykkvalúra) II. ¾—1¼ lb. heilfrystur í 21 lbs. stykkjum (3×7 lbs. í hverju stykki) 3 st. í ks. 63 lbs. nettó, pr. lb. fob. | — 1.55 |
| 14. Flatfiskur (skarkoli, þykkvalúra) III. 250 g—¾ lb. heilfrystur í 21 lbs. stykkjum (3×7 lbs. í hverju stykki), 3 stk. í ks. 63 lbs. nettó, pr. lb. fob. | — 1.33 |
| 15. Flatfiskur (skarkoli, þykkvalúra og lúða), vafinn í pergament, í 7 lbs. öskjum, 8 í ks. 56 lbs. nettó pr. lb. fob. | — 3.70 |
- Verð það á flökum af holfiski, sem hér um ræðir, miðast við að flökin séu þunnildalaus.

3. gr.

Ríkissjóður tekur að sér að greiða hraðfrystihúsunum upp í geymslukostnað kr. 30.00 á mánuði á hverja smálest af frystum fiski, sem framleiddur er í janúar og febrúar 1950, samkv. skilgreiningu í 2. gr. reglugerðar þessarar. Greiða skal fyrir birgðir eins og þær eru í byrjun hvers mánaðar.

19

1. febr.

4. gr.

1. Þorskur, stór og smár, en þó eigi undir 12", og langa I. fl. incl. 10% II. fl., pr. kg fob.	kr. 2.52
2. Þorskur, stór og smár, en þó eigi undir 12", og langa II. fl. það, sem fram yfir er 10%, er um getur í 1. tölul, pr. kg fob.	— 2.24
3. Þorskur, stór og smár, en þó eigi undir 12", og langa III. fl. pr. kg fob.	— 2.02
4. Þorskur, stór og smár, en þó eigi undir 12", og langa IV. fl. pr. kg fob.	— 1.79
5. Þorskur og langa, handfiskur undir 12", pr. kg fob.	— 2.02
6. Ýsa, eigi undir 12", I. fl. incl. 10% II. fl., pr. kg fob.	— 2.52
7. Ýsa, eigi undir 12", II. fl. það, sem fram yfir er 10%, er um getur í 6. tölul., pr. kg fob.	— 2.24
8. Keila, eigi undir 12", I. fl. incl. 10% II. fl., pr. kg. fob.	— 1.41
9. Keila eigi undir 12", II. fl., pr. kg fob.	— 1.30
10. Keila, eigi undir 12", III. fl., pr. kg fob.	— 1.19
11. Ufsi, eigi undir 12", I. fl., incl. 30% II. fl., pr. kg fob.	— 1.74
12. Ufsi, eigi undir 12", II. fl., pr. kg. fob.	— 1.46
13. Ufsi, eigi undir 12", III. fl., pr. kg fob.	— 1.23

5. gr.

Ríkissjóður tekur að sér að greiða saltfiskeigendum rýrnun á saltfiski, sem framleiddur er til útflutnings í janúar og febrúar 1950, sem hér segir:

Fyrir 1. geymslumánuð	4½%
— 2. —	3%
— 3. —	2½%
— 4. —	1½%

og eftir 4. geymslumánuðinn 1% á mánuði hverjum, þar til fiskurinn hefur verið fluttur út.

Ekki greiðist rýrnun af yngra fiski en eins mánaðar, miðað við lok framleiðslu- mánaðar, og þann dag, sem fermingu hvers farms er að fullu lokið. Þó skal aldrei greiða minni rýrnun fyrir útfluttan fisk, en sem svarar fyrsta geymslumánuði. Hver byrjaður mánuður telst sem heill mánuður.

Rýrnun greiðist þó því aðeins, að útflytjandi eigi enga sök á drætti þeim, sem verða kann á útflutningi fiskisins og enn fremur, að framleiðandi hafi tilkynnt saltfiskframleiðslu sína samkvæmt settum reglum.

6. gr.

Þorskþunnildi, söltuð, uggalaus, með eða án himnu, fullstaðin, metin og pökkuð í hessian, 25 kg í pakka, pr. kg fob. kr. 2.20

7. gr.

Ábyrgð ríkissjóðs samkvæmt 1. til 6. gr. miðast við, að heimilt sé að verðjafna milli fisktegunda og verkunaraðferða, enda gildir þá ábyrgðin sem meðaltalsábyrgð. Óheimilt er að salta ýsu, ef með nokkru móti er unnt að frysta hana eða selja hana isvarða til útflutnings.

8. gr.

Nú verður á árinu 1950 sett löggjöf, sem leysir til frambúðar rekstursvandamál bátaútvegsins, að dómi ríkisstjórnarinnar, þá falla niður allar greiðslur úr ríkissjóði á þær framleiðsluvörur, sem þessi reglugerð tekur til, og andvirði þeirra þá eigi greitt í erlendum gjaldeyri.

9. gr.

19

Sjávarútvegsmálaráðuneytið getur ákveðið hversu haga skuli fiskframleiðslu á hverjum stað og tíma með tilliti til hagnýtingar hinna ýmsu fisktegunda, svo og pökkunar, og er þá óheimilt að framleiða aðrar fisktegundir til útflutnings eða verka fiskinn á annan hátt en ráðuneytið hefur ákveðið. Ráðuneytið getur einnig sett reglur um móttöku fisks hjá fiskvinnslustöðvum.

10. gr.

Ábyrgð sú, sem um ræðir í 1. og 2. gr., miðast við að fiskurinn fullnægi á hverjum tíma kröfum fiskmatsins sem I. flokks vara.

11. gr.

Ábyrgð sú, sem um ræðir í 4. gr., miðast við saltfisk, sem er fullsaltaður og fullstaðinn, metinn af löggiltum matsmönnum og pakkaður í hessianstriga.

12. gr.

Selji hlutasjómenn og útgerðarmenn fisk sinn öðrum, skal kaupandinn, ef krafizt verður, færa sönnur á, sem ráðuneytið metur gildar, að hann hafi greitt lágmarksverð á fiskinum, sem auglýst hefur verið af ráðuneytinu.

13. gr.

Allir þeir sem framleiða fisk, er ábyrgð ríkissjóðs samkvæmt lögum nr. 1/1950 um ríkisábyrgð á útflutningsvörum bátaútvegsins o. fl., tekur til, skulu gefa skýrslu um framleiðslu sína í því formi og svo oft, sem ráðuneytið telur nauðsynlegt.

14. gr.

Ákvæði reglugerðar þessarar ná einungis til þess fisks, sem aflað er af bátaútveginum.

15. gr.

Ríkisstjórnin getur falið sérstakri nefnd að annast alla framkvæmd reglugerðar þessarar.

Reglugerð þessi er sett samkvæmt lögum nr. 1/1950 til að öðlast gildi þegar í stað, og er jafnframt felld úr gildi reglugerð nr. 25 15. febrúar 1949.

Sjávarútvegsmálaráðuneytið, 1. febrúar 1950.

Jóhann Þ. Jósefsson.

Gunnl. E. Briem.

REGLUGERÐ

20

3. febr.

fyrir læknavitjanasjóð Þingeyrarlæknishéraðs í Vestur-Ísafjarðarsýslu.

1. gr.

Sjóðurinn heitir Læknavitjanasjóður Þingeyrarlæknishéraðs í V.-Ísafjarðarsýslu. Starfssvið hans er: Mýrahreppur — að meðtöldum þeim hluta hans, sem tilheyrir Flateyralæknishéraði — Þingeyrahreppur og Auðkúluhreppur. Sjóður þessi er stofnaður samkvæmt lögum nr. 59 4. júlí 1942, um læknavitjanasjóði.

2. gr.

Markmið sjóðsins er að styrkja íbúa nefndra hreppa til læknavitjana, eða auðvelda þeim læknissóknina á annan hátt og hlynna að heilbrigðismálum héraðsins yfirleitt.